



Ingrid Guddal frå Inovasjon Norge snakka om nytteverdien av å jobba i næringsklynger.

Næringsseminaret samla mykje folk i dag. Tema var innovasjon og lokal næringsutvikling. Ordførar Slettebø sa i opningstalen sin at Kvinnherad har sterke verksemder som evnar å ta ei omstilling i nedgangstider. Kommunen er og skal vera ein viktig medspelar i å skapa gode rammevilkår for alt næringsliv.

Tidlegare rådmann i Odda, no tilsett i Inovasjon Norge, snakka om næringsklynger og det å kunna sjå nytteverdien av samarbeid innan eiga næring, men og på tvers av næringar. Røynsle til ny syner at det å jobba i klynge fører til auke i omsetnad og auke i tal tilsette. Ei lokal næringsklynge innan maritime næringar finn vi på Stord.



[Øyvind Gaute Berg og Bjarte Døssland frå Borgen Advokatar AS](#)

Øyvind Gaute Berg og Bjarte Døssland hadde eit innlegg om fusjon av to mindre advokatfirma, noko som var naudsynt for å kunna møte framtida med meir spesialisering og auka krav til kompetanse. Fusjonen i 2011 har vore god for organisasjonen og for den tenesta Borgen Advokatar AS skal yta i lokalsamfunnet.

Uskedalen.no fekk ikkje høyra dei to siste innlegga på næringsseminaret. Tittelen var Blir Vestlandet som Japan v/ sjefsøkonom i Eikagruppen, Jan Ludvik Andreassen. Seminaret vert så avslutta med Janove Ottesen frå Kaizers Orchestra.

Tekst/foto/nett: Kristian Bringedal